



Aqqalu C. Jerimiassen  
Atassut

UKA 2021/153  
13. oktober 2021

**Kunngip peqqussutaatigut MitID aamma NemLog-in pillugit inatsit Kalaallit Nunaannut atulernissiaanut tunngatillugu Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.**

(Naalakkersuisut Siulittaasuat)

Pappiliarsornerujussuarmiik NemID-mut ikaarsaarnikuuneq alloriaataasimavoq annertungaartoq nunatsinni.

Nangittuanillu maanna isumannaatsumik digitaliusumik Naalakkersuisut ullumikkut pissutsinut malinnaallutik MitID-muttaaq ikaarsaartoqarnissaanut naleqqussaanerat suliaavoq kusanartoq.

Ukiuni kingullerni atsiortaatsinik peqquserlussinnaanissamut annertuumik pinaversaartitsinermut NemID iluaqutaasimaqaaq. Taakkununngaannaanngitsorli, sullissinermi innuttaasunut oqinneralaarsuarmik eqaanneroqisumillu ingerlariuseqalersimavugut.

Siornatigut kinaassutsimut uppernarsaatit (Bopælsattest) piniartillugit sullissivinnut aggerluta pissarsiariniaqqaartarnikuagut, maannali toqqaannaq NemID atorlugu aasinnaalersimallugit, naak aallarteqqaalerterani nangaasaarisorpassuaqarsimagaluartoq, qarasaasiämik atuivallaanngitsortagut allallu eqqaamaneqaqqullugit. Ullumikkulli takusinnaavarput pissutsinut nutaanerusunut nunarsuulli sinneranituut sungiussisinnaalluta, siuariartornermi unitsinneqassanngimmatt malinnaanissaminut qulartut nangiartulluunniit neqitsiullugit.

MitID atuleriartuaarnerani naalakkersuisup saqqummiussissutimi naalernerani utoqqaat qarasaasiarsornermullu pikkorlunnerusutut taaneqarsinnaasut puigorneqannginnissaannik oqariartuteqarnerat Atassummiit iluarisimaarpalput.

Digitaliunerusumimmi ingerlaneq ulluinnatsinnuttaaq oqilisaataaginnarani pinngortitamut avatagiisinullu mianerinninnerunermittaqaq siunertaqarmat. Pappiliarsornerujussuummi nalaani eqqarsaatigineqarpallaartarsimanngilaq pappialarpassuit atorneqarneranni nunarsuarmi orpiit qasserpasaut nalinginik kinguneqartarneranik. Taamaalilluta aamma nunatsinni inuiaqtigittut pinngortitap paarilluarneqarnissaanuttaaq eqqanaarinneqataasuussagatta digitaliunerusumut ikaarsaariartornermut malinnaanitsigut.

Taamatut oqaaseqarluta Atassummiit siunnersuut akueraarput.